

皇清文頌續編卷首四十八

御製詩

七言古詩

六角扇

蕺山有高風翰墨妙神契誰携扇六角揮灑成五字  
雅塗不惜老嫗嗔鸞翔自得夫人意百錢豈止一郡  
傳五明更擬千金置洛水翩鴻印雪痕蘭亭修竹招  
涼思後軍舍人不作書湘東貴人能題識何事蒲葵

價倍增換取白鷺姿競媚重來乞取不可得莞然一  
笑雲烟戲西風何有塵汚人東海還疑仙隱市噫嘻  
紈扇豈常新不覺臨池憶昔人貞觀藏弄欲壓軸大  
索龍螭遺片鱗九華長柄不足麗千秋佳話同折巾  
郎君亦有七寶扇空與桃葉歌秦秦

恭和

御製玉鏤八駿歌元韻

龍媒大宛貢吾

皇天閑調習羽林郎先後廿數各擅長駟駟爲羣性  
本良玉花園貌雄非常飲水斲草控組纒來琛西海  
闐闐閭溫潤不待人治襄磨礪天產工巧藏鏤成八  
駿佳名償紅玉紫玉真騶駟蘭筋秀骨太乙祥權奇  
稱德上應房各有才力中潛藏萬吉平步如騰驤闕  
虎一聲踣豺狼霹靂掣電凌虛翔赤花身搜神軒昂  
四靈爲眷麟與鳳佶閑一蹴絕竄鑿萬里如意安西  
馳叶錦雲五花天骨張

聖武鞭磨台吉牀土爾扈特歸平康厥貢寶吉排雲  
行天馬來兮西北方四耦備

御空羣英

叶

黃金羈勒白玉相崑崙之禾龍沙場于

闐萬選鑄中央黃澤歎玉歌弗忘日域月窟同享王  
渥注浴景超遐荒入神磬控控捐猶狂

時乘比德綱紀覆服遠自邇調御彰龍文虹氣名實  
當方行禹跡神傍徨慶歌八風慨以慷

河水行

唐叔後必大曲沃啟晉武獻公翦宗枝伐戎嬖驪女  
歸田進胙來讒言攘公之鞬由二五申生至性不忘  
恭甘死無悔豈其所薄人翟人更何有重耳踰垣避  
尋斧姦變季隗十二年志在四方行去汝五蛇蜿蜒  
夾股肱周遊曠野歷險阻乞食佳兆自天降五鹿野  
人遺壤土懷安于齊豈壯圖酒醒拔戈驚行旅薄觀  
駢脅辱不辭叔詹子玉敢予侮歸乎意在河水詩六  
月棲棲非吉甫壯心未已老始成投壁渡河果豪舉

三軍創制先勤王三舍辟君卒敗楚狩于河陽盟諸  
侯錫以弓矢爲伯主幾年出絳柩有聲一夢得天腦  
欲監美哉河水日東流不見綿山照千古

玉穀行

世說稱庾文康爲豐年玉庾雅恭  
爲荒年穀言各有用爲賦其優劣

人生願爲豐年玉不願生作荒年穀六瑚四璉陳明  
堂千倉萬箱起匍匐君不見典午國步艱朝政失綱  
目才華鍾庾家棣萼聯叔族難望司徒公雄聲江州  
督筆敷華藻鳴球琅胸有經綸吞趙蜀元規翹楚天

廟才雅恭慷慨圖匡復一門兄弟競光輝位高寵倍  
心欲速叛臣犯闕奔尋陽埋玉空令已哭襄陽旌  
甲影橫江三起三疊羣屬目石田不可爲膏腴藍田  
誰抱瑾與瑜石碑生金白龍出建元之末長順初吁  
嗟乎百年樹人如樹木雨珠雨瓊嘆枵腹投珠于淵  
抵壁于谷豐年玉不如荒年穀

短歌行

兩儀闢天地太極開鴻濛清濁形旣判三才入位中

大幹南北撐萬古元氣幹運無始終陰陽朧胸渺無  
極墮崢在宥歸化工君不見蒼顏造字機潛伏天雨  
粟兮鬼夜哭又不見傳說一夢通高宗用作霖雨起  
版築神功不宰如虛無崢羽螢光空碌碌

### 冰嬉行

頊具司律堅冰凝玻璃白頃玉鏡澄窮陰沍結凍海  
若載陳國俗歲事仍液池集衆屯入旅赳赳壯氣烟  
雲蒸韡齒雙利銜鋌刃布衣短後非絲繪



龍旌近駐懸圃界  
瞳矐海日方東昇  
戎旅齊隊分左右  
搏搏輻輳橫長組  
陰陽開闔各殊事  
厲鋒養銳期先登  
朱旗一颭截傑僂  
地雷再振魚麗乘  
捷步森驚看聳擢  
翹翹逐逐凌鯤鵬  
恍如曳電掣碧宇  
玉京蹂踏千軍騰  
神奇變化競儵然  
天馬奔突聲較較  
蛟龍潛窟伏震懼  
怒濤倒瀉波凜砒  
砒碎激越撼地臬  
玉山萬仞摧陵嶒  
拔羣得幟推首進  
蹠跟錯履相牽扔  
恩頒均賚旌壯佼  
大觀衆趨神爲憑  
昆明樓船陋炎

漢都肄武備難同稱

聖人詰戎紹

家法訓練豈獨誇奇能煌煌

天語傳萬禩擯毫視履銘冰競

恭和

御製

昭陵石馬歌用舊作趙霖畫唐太宗上六馬圖歌韻元

韻

文皇繼統承

天詔一駿開基具神妙御

聖功成百戰餘永侍

珠邱精彩肖貞觀六馬傳畫師陰風慘淡空爾爲磨  
礪星石緬遺像勲業奚誇竹帛垂明馭不綱虛甲第  
卽鹿林中器危置

帝心雪恨薄燕京臨得旋師

示大義

當陽受壘同天人治兼創守威尊親松杏一麾破大敵

神謀天縱驚虎臣機宜分授操

雄斷松江遼海中流亂

身先士卒御雙龍馳驅行陣無疑難萬禩屹立松楸  
間五雲汗血色半殷

龍興大漠拓疆宇驍駟騾耳功艱難權奇月精昭二  
白秋風春露般生色

時巡求舊迹長歌奉

先行健戒晏息

慈竹

猗猗慈竹生高陂根無外長本不離修莖巨葉看叢  
茁百千縈結包瓊枝中聳勁節外保護甘露瀼瀼日  
挹注類如宗族氣味親誼同子母情盤固歲晚彌榮  
傲霜雪年深轉密存高節連茹一本茂千莖青筠綠  
篠欣鈎結貞容自守無榮枯生意檀藥氣固殊意致

蕭疎疑織粉瑤華惹倩難形模石壇寄跡干霄上衛  
母天成共相向簫韶間奏引鳳皇一曲陽春發幽暢  
植物高超擅秀異自有清貞却妍媚草木無知感至  
情靈根堪羨含精粹君不見北堂萱獨鍾孝感探根  
原篔簹移取日依附金英翠幹同萼蕃

望雪有作押東坡聚星堂賦雪韻仍用禁體

風疏曉箭驚寒葉長空颯杳將飛雪微濛集霰逗冷  
光小園卉木真清絕詞傳梁苑會衆賓擊鉢成詩齊

磬折澤敷滕六勢已成巽二披猖難盪滅露井梧桐  
鳳欲翔荒蹊松栢龍初掣灞橋驢背客未回回首芳  
苞拓微纈誰言咳唾落九天繽紛共喜羣霏屑天孫  
海上乍遨遊如雲萬點風花瞥豐登來歲祝三農欣  
傳佳兆同笑說六一先聲嗣大蘇聲詞清激蕤賓鐵  
玉甕成歌

神風四扇開八荒西陲二萬拓邊疆天地偉寶出崑  
岡大匠採治貢明堂瓊瑤瑛瑰球琳琅取材錐鑿選

精良舟砂巧治磨堅剛乃成大器魏乎煌更玉海兮  
蔚竒光誰斲北斗傾神漿雕鏤瑰麗輝雄鏘玉成魄  
力增徬徨我聞勝國任貂璫坐致淪胥終傾亡寶甕  
委置巖阿旁僧厨爨作壘鹽藏土花剝蝕漢宮荒銅  
仙回首烟茫茫茲海特造賴彼蒼

大清萬禩景運長珍異孕畜庸何妨寶人寶玉相參  
詳東極日出西氏羌梯航景仰羣來王共欣帝力浹  
萬方無爲而治歌虞唐



恭和

御製彈汗行元韻

時巡歲出塞仲夏

翠華行彈汗古郡地揮灑

睿藻稱自昔蒙古分疆場天山戈馬紛鬪爭唐室貞  
觀事綏服和戎息戰題額彈汗城四夷酋長上書共  
推戴却而復受天可汗號可汗裔徼因稱名彈汗行  
今看羣帳旃裘歸

大清蒙古卅九本舊服自請去其汗號屏藩

王室

錫命榮厥後喀爾喀內附尙存舊號羣仰

仁皇澤沛宏我

皇撫定準噶爾上溯

祖志亦許稱汗號世受封爵傳孫曾背

恩反噬取覆滅五載耆定休戎兵都爾伯特土爾扈

特部恪守臣節終無更彈汗行

聖人惠浹中外同輪情懷柔今額郡邑鄰

神京縣縣

景運廣沛

皇恩遐邇歌太平

青龍場驛丞畫尾硯記後

陽明勲業垂史策有明一代文章伯當時闡宦盜政  
權力諫不行遭貶斥蠻烟瘴雨竄遐方名賢滯厄龍  
場驛築室依棲道固明直道而行始屏迹怡然拈頰

寫壯情硯斫東坡刻詩石百年兵火誰保持片玉靈  
神暗呵惜流傳大雅三百年墨瀋青花日光澤未曾  
蘸筆檄強藩抑或橫丁著兵籍但供畫尾押官書自  
古英雄甘落魄枕中鴻寶貽子孫詎肯污隆學行易  
摩挲展玩仰高人懷新建功三嘆息

恭和

御製恭瞻

太祖皇帝甲冑作歌元韻

聖人奮興東海隅  
戡亂拓地

躬擐甲乘乾  
出震闢藩遼  
始自

興京基大業  
羣英歸附盡  
從龍知人善  
任皆容納告  
天七恨始出  
師元惡授首  
明膽怯式推

大度普包涵  
降將宥旨赦  
弗殺四路來  
侵全覆亡乃  
都瀋陽

睿謨發戎衣  
常仰什襲藏  
寶勝崇樓護  
珠匣聿宣

神武定塵氛  
永念

天威增敬誓

來瞻景仰

開創艱展視

鴻勳必

躬涉

聖誠昭格

默佑孚太和元氣禮嘗裕

作歌紀實重王基

諾戎萬禩承

家法

恭和

御製進山海關元韻

長城盡處秦時關左山右海欲破難遙連大漠據衝  
要咽喉阻扼攻誠艱前明自恃地勢險王政不修咎  
奚掩黎民盡蹈水火中應

天順人

帝心感王師赫濯臨燕身豈務攻城與爭地臨得弗  
取旋旆旌正衆興戎以律出

天心已屬始基之尙待時興總六師陝西流賊恣猖  
獗蔓延郡邑屠窮黎崇禎身殉宗社亂南走福王失  
昏且羣小豈足定紛囂

大聖人出釋民難復仇哀請心懷女啟關迎入桓桓  
旅勢如破竹定燕京懿親建功千秋巨於今一統

清蹕經故蹟永瞻



默佑靈十二金城未足恃

守成在德羣慎聽

觀海歌

長城壓山山倒海海樓直倚天山外波濤蕩激古今  
長氣象充枕在宥大一望無際窮雙眸千尋白浪堆  
高邱雲霧迷漫島嶼隱魚龍出沒窟蟲浮倏見片帆  
如芥子轉瞬千里迅于駛誰能直達斗牛津好問靈  
槎尋漢使秦皇漢武妄求仙徐福乘桴終未還蓬萊

詎容俗客到惡風弱水空茫然振衣絕頂形神眩大  
觀生平所未見怒號沸鼎聲奔雷驚瀾捲地勢掣電  
自從未鑿混沌初此水亦自無時無一勺之多漫六  
合天輪地軸環相扶碧城橫枕海天齊飛蜃成樓雲  
作梯沐日浴月幾萬古搖山撼石憑危隄誰云九州  
大益覺五嶽低我來澄海樓頭望一點浮萍東海西

恭和

御製涿鹿行入壘前韻元韻

御試

聖人惟德爲金城

六巡江浙乘時行先春

詔下惠民旨太平風景徵休明涿郡閭閻盡安飽陽  
和煦煥春光好綠楊一帶古陌邊待聽流鶯音奏巧  
當時爭戰始軒尤此日但覺田禾稠登三成五際

聖世雲師營衛茲淹留

六龍蹕處常豐收

思艱圖易時勤修

二月初七日奉

命登泰山恭紀

天地大觀尊五嶽岱宗作鎮東方卓巍巍直達霄漢  
間萬峯亂吐青蓮削

天子東巡祀石壇奉

命登山借棣萼入谷仰瞻雲霧漫謾松風下崖角  
紆盤石路磴百千環繞寒林陟攀确天階徐升望帝  
闕懸崖萬丈誰開拓仰觀天宇碧澄澄俯視雲谷寒

漠漠霞標瀛海一杯盃日照東南萬城郭三門已入  
歷神霄展禮先陟元君閣生成大德贊東皇錫福黎  
民鼓橐籥更豁雙眸望九州汶泮如絲帶黃洛身遊  
紫闕天可捫日月星辰在掌握罡風顯氣蒼莽間下  
臨無地雲根落更撫秦皇無字碑土花模糊光照灼  
封禪當年事已孤尙存傑石森崖嘒金書玉檢不可  
求探策祈齡難臆度唐銘宋碣漫推詳真境身親俯  
隕確試尋歸路下太空漸識人間有邱壑

登金山塔頂作歌

神峯攀陟磴百重江雲已覺盪我胸更上浮屠出天  
表大觀迥出環裨中初驚翠髻凌虛峙旋訝長川窅  
萬里大千世界半平巖何似浮江無廢圯當前春色  
分南北綠柳新蕪遙岸側太虛蕩滌一青銅波光恬  
靜如初拭憶曾昨歲登澄海壯懷已覺消凡猥今來  
浮玉峯名景親披乃知元氣鍾真宰渺無垠塙窮東南  
一邱一壑下士耽欣隨

龍舸來巡莅

恩波直與江波覃

秦淮歌

長干舊里埋荒蕪金鑊岡前漾碧湖  
昨宵涼月最清

迥相照青蘋雜綠蒲鉛華異代多塵跡  
丁字簾垂歌

舞宅桃葉渡頭春水波鷄鳴山上春雲出  
福王少

小愛風流月下樽前自選優安娘頓老留餘綺  
一曲

江城天地秋鍾山龍脈久消歇莫說南薰舊宮闕  
史

黃空抱爲國心滾滾江波浸雄骨形家者言詎足憑  
空向江山論廢興東來王氣萬萬古洗盡餘分閭位  
名

恭和

御製登黃樓疊東坡韻元韻

御試

玉局才名從古說登陟黃樓興軒發山川一覽景雄  
奇江雨飛來雲陣滑豐隆結勢轉雷車波心隱現凌  
波鞦天漿滋沃萬頃田禾麥欣如甘露呷金隄喘嶼



抱黃流土脈蘇融宜耕鋤萬稟盡汰生成恩河伯懷  
仁釋秋殺依依柳色冑青畦隱約林間露禪剎鈴聲  
吹送到下方遙和繅車鳴軋軋盛時佳景供

宸遊天上

龍章羣作壓大河順軌水湯湯峻嶺凌霄峯巒巒

豫遊喜見閭閻殷和氣氤氳凝寶鴨

聖人四海奠金甌豈獨移情鏡駕鸞

讀明方孝孺溪喻稿卷

文章有源垂訓詁以溪喻學本是取潛溪正脈方廓  
之淵流墳典窮三五江河尺幅萬里論丹青淋漓元  
氣吐希聖之功此入門善下流謙三命俯惟虛集益  
滿則傾行潦祇充甕盎夙蜀中正學早名廬入侍經  
筵作良輔齊黃謀國起燕師鎗風血雨迷江潯明廷  
建議搗北平計未能行下樓櫓金川門開帝安在投  
筆數語光萬古事君大節蹈海心就義如歸甘礎斧  
瓜蔓何堪十族赤讀書種絕亦太苦侯城手稿孰善

藏遺墨盈尺珍逾琥嬴氏焚書書僅存空墜禁令苛  
于虎遜荒野史徒紛紜獨餘片紙輝冊府兩間正氣  
不可磨珙璧明珠未足數

恭和

御製分鑑曲題句元韻

名山蘊秀發泉源汨汨雲根日輸瀉滙爲昆明百頃  
湖浩瀚汪洋湛如也高低分注南北渠南接通津北  
潤下利資舟楫濟天倉暗漲靈波裒益寒水田園外

繞于畦灌溉無煩人力假

授時念切老農勤親觀襪襪犁鋤把

聖人治水如治絲其緒不紊自濯灑地不受實助民  
功滲漉神京爽塏者爲政先知民食艱善御由來不  
忘馬

宸章卽境抒時幾

九重心鏡燭沃野

渡潞河放歌

洋洋河水春流緩淡漾微風瀉平坦通津直達江浙  
開天倉轉運五色叛水利端爲國政先雲津不復愁  
涔旱菽粟斯稱寶氣鍾奚數明珠同玉瓚有元漕省  
水陸煩海運勞民著編纂洪波風信有不虞盡付東  
流失無算我

朝鑒古舉廢宜三策溝防無虛誕去歲隨

變幸南東安福艦頭揚翠罕

安福艦  
御舟名

民依民瘼

訪求勤佳山佳水

登臨嬾治河遠溯大禹功四載

親披中情款海上築塘堅地防赤日炎天張

御織

聖人愛民不憚勞真看風櫛而雨盥

帝德難名蕩蕩乎紀頌好作窺天管茲來潞河憶昨  
年玉律方調季春瑄垂楊兩岸綠陰濃杏花十里香  
風煖阡陌新舍甘雨滋塵埃不起青莎滿卽景能添  
詩興高放歌只恐筆力短今宵清夢印禪心暫假招

提作行館

擬東坡快哉謠

次韻孔毅父三首之一

銀河耿天光四溢高鳳攤書惠漂失我欲排空鞭螯  
龍何處靈湫有神物雲屯每苦箕伯張暎威逼龍不  
敢出望舒離畢空無憑布穀聲聲暗相乞天心愛物  
本至仁九關神守誰能笑雨暘各應時所需點滴根  
因問迦佛今春瑞雪透平原復繼春膏好平秩邇來  
又望甘澤施何方瘠土更堪卹帝命巽二停怒號豐

隆醞釀升坎一不須霹靂借飛車漫向淵潭投虎骨  
道士祈雨有以虎骨投水中云可降雨霏微陣陣繼沛然奎稜歡聲滿

蓬華豚蹄願遂喜有收螟跗將騰伸復屈濶徵柱礎  
欣及期支牀坐對爽滿室溟濛颯沓勢渺綿心地清  
涼散炎鬱揮毫試和快哉謠綠疇濶景看來日

九月初一日獵後

駕幸西山用虎神鎗斃虎恭紀

天澄玉塞秋氣高孤峯突起凌平阜負嶠猛虎獨據



立西風颯颯聲長號  
虞人特向和門奏

法駕午排先吉戍  
飛龍

親控示衆藩

詰戎深意寓獵獸  
北峯峭蒨林樹多  
飲飛環布如星  
羅茂茸隱跡不敢出  
尙思搜捕雄巖阿  
虎神

手御天威振流火  
鑠石山谷震穿胸  
洞脇毛血斑霹  
靂一聲何奮迅  
武功良具

聖祖貽殪伏猛獸  
遵

前規

古稀聖武揚

奮烈綏遠威懷萬禩垂

馮倖仔當熊圖

漢帝行春上林苑從輦後宮皆燕婉和風習習搖金  
旌花雨飄飄繞珠幃繡帷列侍觀獸爭鷁冠飲飛開  
局健隅目髮鬚性未馴赤龍狎視忘屯蹇有熊一吼  
虎旅驚木拔雷轟佚出圈駕鸞左右盡紛披擇肉睢

盱試爪蹤何來綽約獨當前  
徒仔忘身義不返得人  
則止智勇俱見妬娥眉  
生禍本儲元老去中山  
殤祝詛獄與天道遠可憐  
飲藥泣攀鱗誰識微言  
出中虛大小馮君空令  
名五侯傾奪傷忠悃從  
來婦怨苦無終蘭草當  
門石尤偃斬蛇帝子何  
其雄權移早昧信必反  
火炎暫熄沙鹿興玉璽  
縱階竊龍袞乃知剝復  
謹貫魚不獨班姬怨秋  
晚披圖鑒古重憮然形  
史英英述婉婉

喜雨吟

四時首春重農事春雨真如膏澤利北地惟恐有旱  
荒天澤滂施民命繼近年畿省自得屢豐倉庾陳紅斯  
上瑞昨冬大雪去遺蝗今歲春和五出濟如絲甘雨  
又滋培

帝心感召欣備至適來薊郡司祭儀一路風光兆稔  
歲田間浸潤不生塵新耕叱犢看鱗次夜來濃陰結  
密雲曉起輕颺拂行騎漸看點點下高林遂覺霏霏

滿平地煙景冥濛得曠觀豈惜征袍漫衣製

左傳成子衣製

杖戈杜註

製雨衣也 拂隴尤欣秋麥宜舍林亦喜春花麗波添

鳴綠增漲青柳重鶯黃拓新翠自辰達午尚優滋遙

望

巡旌想如是好生之澤不崇朝遍潤寰區免瞻企

### 覺生寺觀大鐘

金輪常轉四部州元音宏震開法流迷濛世網作獅

吼大千沙界如吹漚空華莊嚴豈實際苦海汨沒誰

登舟覺生寺叩大鐘古何年鼓鑄湖厥由建文臨軒  
金躍冶靖難兵起名倣周緣艦南下大江沸金川門  
開棄衣旒忠言批鱗十族赤禍延瓜蔓方盡劉北都  
廣孝事懺悔列利鼎建經幢修歌利春風兩無礙深  
冤解脫何親讐遂鑄洪鐘振幽府雄聲蕩滌魃骷髏  
華嚴全部精鏤刻神姦百物同冥搜萬忠噴血書一  
字佛力亦恐難爲謀神宗重諷四丁未萬壽山圍懸  
高樓六僧考擊白虎嘯百年塵卧蒲牢愁

聖人調御契象教移置安貼宜歌游鏗鯨巨製海潮  
湧聲聞根覺三摩收我來數度未敢詠禱雨餘興吟  
毫抽慨古徒誇龍象力唐宮宋嶽皆荒邱

至誠在宥應鞞鐸四和玉燭鏘鏞球聞思百千論功  
德菩提一粒銷戈矛以覺覺覺真實義如來無以音  
聲求

團扇引

團扇復團扇力怯秋風戰涼風一以吹猶障紅妝面

棄捐豈獨感炎涼誰從憔悴憐姬姜蕉颯竹籟有逸  
趣徒勞一擲哀徬徨乃知代謝時之常君子之交淡  
若忘當日提攜在君手有時內熱還思否

恭和

御製五福堂對玉蘭花二十韻元韻

有嘉德斯有嘉樹燕喜千春荷

天顧一草一木被滋培生之長之邀遭遇卷阿愷悌  
樂來遊肩輿看花爲小留大塊文章萃生意矢音揆



藻

新詩酬憶昨江南花下待虎邱溪畔歌歎乃以彼凡  
卉視名葩迴隔人天千億倍東風披拂不相欺萬葉  
含英啟

睿思

龍飛瑞兆

古稀上日富日壽日頤期仰睹

天章蘊精義璿題肇自

仁皇賜卽今

聖治洽寰區

五代同堂

五福備彌性純常

德潤身此花應運栽培真風日暄妍枝挺玉雨露長

養國如困層城十二白玉朶寶光流雪紛婀娜清香

芬鬱散雕欄茂矣苞矣同許可栽者培之斯誠然已

沐

恩暉五十年策添大衍算無量花亦如年容更妍

對育殷懷

孝思則會侍

舍館近

顏色堂中此日

抱元孫樹人樹木罔不克

天家敷錫陳箕疇大地都消六極憂根深末茂垂遠

蔭清芬萬載承

鴻床

王新建銅章歌應石庵師傳屬

陽明勲業垂史策儒林宗匠文章伯胸羅武庫擴知  
能氣貫白虹堅金石逆鱗血戰抗西江詎肯鄱陽再  
受降功成不伐甘遜尾棟折難容一木扛大賢避世  
九龍阜印琢山人壽銅鈕土花剝蝕四百年蟲篆摩  
挲不釋手惟公好古懷良臣什襲文房席上珍將軍  
威武今何在獨餘片羽常鮮新

皇清文頴續編卷首四十九

御製詩

七言古詩

日觀峯再用杜少陵元都壇歌韻

岱山東嵯峨第一峯  
迷離雲海蟠蛟龍  
神州赤縣幾崖谷  
蒼蒼者天一夏屋  
蓬萊隱約瓊瑤壇  
罡風無聲氣高寒  
封禪徒將功德紀  
早忘秦漢相騰翻  
重登彌覺心神往  
仙境春秋自消長  
紛紜邱壑本無窮  
到此方





一湖新漲春波綠一犁甘澤春膏足知時宜雨復宜  
晴試放蘭橈遙岸曲游觀身在鏡中天富麗韶華得  
景全所欣田隴增新潤願兆西成大  
有年後樂先憂  
初勵志眇躬曷敢寸心恣懷保每切小民艱國本由  
來重農事農事東郊暢好春如膏優渥嘉祥真三篙  
乍起清漣漾漫向桃蹊又問津

望瀛洲歌

海上三神山可望不可到十二樓五城仙人漫引導



熙朝不尙浮誇詞人間勝景偶倣爲御園東偏大福  
海浩浩湯湯漾清漪海中島嶼峙宮闕縮地長房等  
溟渤天風輕掠水面霞寒潭印出波心月增城阿閣  
相迴環靈臺高起雲霄間綠波澄澈春水足暢好放  
棹遊仙寰問景怡情幾暇偶戒滿持盈悟虛受願錫  
福海潤福田歲稔民安歎大有

靈珀歌

炎精流光結老松千春蟠鬱竒秀鍾孕成瓌麗聚古

珀丹砂圓暈神彩濃嘉禾中蘊能舒卷二十四候隨  
輪轉生長收藏各順時東皇申命靈輝顯堯階萸葉  
傳古書閩苑仙芝事更虛熙朝重農寶稼穡特生嘉  
種呈

帝居不貴異物

聖人志紀實欣兆豐年瑞仰瞻  
作賦欽授時錫福徵祥禾雙穗

含碧堂玉蘭歌

芳時初屆春三月一夜東風花暢發森森玉樹立階  
庭渥澤飽經生意勃瑤華拓影銀鳳樓素月娟娟籠  
閣低姑射仙姿下貝闕雲裾霞珮紛輕綈後庭漫譜  
霓裳曲羽衣三疊羯鼓促非欣花事暢今春所喜今  
春甘雨足

隆福寺行宮登樓對雨吟

四山風送山雨急潤繼前宵遍原隰當春此景不易  
逢貽我來牟收玉粒長途微澤豈辭勞稅駕行官府

綠泉層樓每至必登眺拾級一覽峯巒高松濤合烟  
盈几席林霧低羃雲無隙簷端銀竹已傳聲遙看宿  
麥增新碧北省欽蒙

天澤優春膏旣足兆有秋還祈洗兵慰

聖念喜音卽日來官郵

望雲引

兼旬不雨心惶惶翹首望雲興四方出岫無心疑九  
閭瀰漫作澤速降祥適日箕伯威奮揚蕩滌霧靄勢

益張寸衷默禱籲

上蒼卽勅巽二停飛颺觸石而生遍嶺岡屯盈解作  
甘霽滂涉波白躡舞商羊占符離畢酌神漿三春繼  
潤來牟慶生我百穀

錫豐穰稍紓宵旰慰

聖皇下民有罪臣身當微忱待

鑒懼未遑不忍重讀雲漢章

暢遠樓

山莊長夏夙沐

恩兄弟借來始辛丑書室頤和舊定名依人鶴鹿松  
扉右今歲

賜居繼德堂欣瞻苞茂垂悠久樓顏暢遠拾級登一  
覽神皋在戶牖萬壑松風蔭卷阿四面雲山列岡阜  
非貪景物豁遠眸懷柔肄武百代守

塞湖晴泛歌

平湖百頃涵清漪夕陽倒影光陸離晚風颯水背披新

爽扁舟問景碧水涯蘭橈初放如意渡

恩波滉漾百年度疏鑿靈沼成自然芝徑雲隄

聖祖賦

芝徑雲隄爲三十六景之一有

聖祖所題山莊

崇椒東峙

御製詩

小金山浮玉各存圖畫間長江千里等一勺境留仙

苑超塵寰煙雨樓建青楊島文欄秀石相環抱湖光

巒影映空明課晴量雨瞻

宸藻吳越各勝備山莊仙乎縮地矜長房澄澈武列

印心鏡虛無縹緲物我忘田田荷葉葢擎綠欲開仍

待甘霖足所思君子水一方重擬秋江采蓮曲

澄霽樓歌

清舒山館澄霽樓題額百年仰

仁祖梅檀林中澄霽樓授時卽景欽

皇父

先聖

後聖其揆同總爲民艱切暘雨雲楣松棟延晴暉爽  
豁川原朗碧宇欣逢時若稼穡豐可卜有秋慶比戶



興州教養歲已深萬家煙火聚樂土藐躬何幸沐

吳恩

訓政承

歡古未覩登斯樓也心神怡霽月光風遍和煦

秋水篇

武列蕩漾成平湖晴光浸碧百頃鋪南華集虛悟至  
理蒙莊齊物如斯夫隄分芝朶界內外樓臺映帶真  
方壺不施藻繪

示儉約靈沼樂與民同娛荷香遠接汀渚末蕪葭蒼  
蒼連蒲蘆長天一色正新霽落霞孤鶩極浦鳴今秋  
關外田上上雨暘時若

吳眷敷

聖人推廣錫福普

復命再蠲明歲租

恩波洋溢遍閭里小民永免庚癸呼承德歲歲沐

帝澤肌髓淪浹湛露濡

綺望樓歌

高樓巍峩倚層巖  
平臨衆壑石城表  
憑欄南望豁遠  
眸萬家煙火市  
塵繞上塞靈區

仁祖開度其隰原  
闢臺沼懷柔肄武  
會嘉賓

先志敬承

皇父紹每歲夏秋  
清蹕臨

賜復蠲租民不擾  
旣庶而富又教之  
承德設學庠序  
肇今歲更喜稼穡  
豐飽食煖衣敷億  
兆登臨對育慶

逢年宜曷一覽長空皎

千尺雪聽泉淪茗歌

清泉可洗耳清茗可洗心洗耳豈同巢許志洗心於  
密先言欽嶽崆滲漉出古澗死轉盈科邱壑深石激  
湍水拂其性飄龍噴珠百斛斟挹彼甘芳付活火須  
臾竹鼎旗槍森七椀不學陸羽癖聞思靜領鍾期琴  
秋雲淡淡潭印影秋風颯颯松助音欲問源頭萬山  
裏笑余何暇能探尋

秋葉歌

密幄經三時，千章遍清蔭。和風次第吹，甘雨連番潤。  
成實成陰，已有年滋榮。嘉樹培貞堅，蕭蕭涼颺起。蘋  
末飄飄木葉翔，階前繁陰漸滅流。霞映翻飛莫怨清，  
霜勁掃除枝蔓待。來春生機發育東皇令。

李昭道海天旭日圖

天蒼蒼，海茫茫，洪濤自萬古，一勺誰測量。扶桑之東  
育真宰，燭龍騰輝度，不改須臾，遍滿仰清華。四大部

三才圖會卷之二十一  
卷之二十一  
十一  
洲生光彩浴金涵玉疊層波天吳出沒神怪多山海  
載籍難窮狀青精紫軟扶羲和

宋人海鶴蟠桃

四大部洲溟渤環層城阿閣通元關蓬萊瀛洲及方  
丈若隱若現三神山祥麟遊遨威鳳集芝草琪花浥  
露濕中有蟠桃九千年翔繞仙禽雪羽戢輪囷盤礴  
結實多飽飫神液餐靈和圖成持獻彤墀壽萬春松  
柏同喬柯求長生者皆鄙論爽鳩之樂非所願晏子

一言足破疑知命樂天養方寸

絳雪軒觀梅

東皇布令生意勃一夜春風花競發  
冰姿點雪護芳蕤婆娑影浸瑤臺月  
絳綃別種映軒前霞裾雲珮來  
仙闕庾嶺韶華信徧敷孤山丰韻情  
難歇紅紅白白各絢竒重緋疊素光  
清越佇臨上苑賞萬葩何須羯鼓相  
唐突

壺中天歌

山環水抱徑窈窕洞壑欽崿忽昏曉披羅沿磴下平  
坡仰觀俯察天地小佛語須彌一芥藏壺中仙術傳  
長房法心平等容衆物虛受由來不可量暖敷上苑  
消寒凜深幸春膏北年稔趁閒幾暇偶豫遊夾岸緋  
桃又成錯清時無復避世人漁父奚勞重問津尋幽  
小住興盡返花開花謝忘冬春

含碧堂玉蘭歌

藹藹豔陽節候煖堂下玉蘭開漸滿和風甘雨應昌



期每歲向榮發仙館白毫光徹天葩盈玉塔層疊如  
琢瓊梨雲掩映雕欄側銀輝一片印晶瑩長春福地  
栽培久八十餘年

帝澤厚樹人樹木同繹思小子深懼神器守

國家至  
計首在

任人作養栽培一樹百獲此孟氏以喬木比世  
臣也撫茲嘉樹每一繹思不勝棧樸梓材之望

長春

館五福堂韶華佳麗四照光

長春仙館合碧堂及五  
福堂皆有玉蘭樹予幼

時曾

賜

居五福堂

此花常作壽者相千秋萬歲揚芬芳

見新耕者

仲月之晦季月朔畿甸甘霖慶溥博我來自東潤景  
延綠野歡騰正力作停鞭駐馬問老農穡事吾欲知  
其畧昨冬瑞雪已頻逢新春雨暘又時若去歲上稔  
遍九圍今年定兆大有穫老民跪答沐

天恩農諺允符羣快樂

太上皇帝澤覃敷久道化成調六幕協和綏屢仰  
昊慈六十餘年無歉薄宇宙登感尚

普蠲元氣醲醇鼓橐籥惟願君王勉繼承喜聞善言

心敬諾

石帆室

石舫翼然碧溪澣築成船室具帆櫓憑窗延覽鏡清  
澄未許鳴橈過前浦光含天水畫圖披浴鷺浮鷗自  
轉移磐石根基任誠重濟川作楫還繫思

多稼軒歌

御苑文軒額多稼滿目桑麻繞亭榭

憲皇特命闢弄田勞力勞心均上下欲令後世知民

艱辛苦三時鮮閒暇炙背胝足力耕耘那寒嚴冬暑  
雨夏我

皇勤政首愛民重農省歲豐登迓知時甘澤洽黍禾  
順候和風翻穉稷大有之年史屢書春藉田兮秋報  
蜡小子敬承

祖

父心夙夜孜孜普德化

蓬島瑤臺歌

方丈瀛洲誰得到求仙燒鍊皆僻好起居飲食毋或  
乖修短窮通隨大造御園靈沼萬頃開中峙小渚顏  
瑤臺

聖人結構示後世莫尙竒異訪蓬萊蓬萊真境卽此  
是烏有金丹固玉髓耕田鑿井養吾民春種秋收順  
其理我

皇康健慶純常鑒古守素載籍詳擇地象形偶遊戲  
乘槎鍊藥鄙漢唐

滄浪嶼歌

方池清冽映平渚奇石四圍成島嶼來遊乘暇憩心  
神臨流漫憶濯纓侶滄浪之水鑿毛髮遙源汨汨豈  
暫歇盈科精進迅不停妙理參詳無窮竭武列挾沙  
本至濁幾轉溪涓繞崖角清兮終藉蕩滌功涵養心  
源勤澣濯一泓湛湛印圓靈千潭一月徹影形憑欄  
小住觀魚樂清風兩腋欣泠泠

暢遠樓納涼咏懷

大暑應候氣炎蒸連朝醞釀雲未普樓端習習延南  
薰還祈四山來澍雨身居廣廈境清涼尙覺蘊隆歊  
溽土何況蓬戶窻牖人湫隘囂塵守環堵尤繫念者  
在官軍赤繳曦熯列營伍蠶爾跳梁孽未盈敢作不  
靖誠自取羽書飛報汗騰霄

籌治孜孜日旁午漸欣追逐會雄師金魚阱獸相團  
聚速看捷奏逆首擒作氣宣威惟一鼓

聖皇十全績又羸除惡安良揚我武

山近軒歌用東坡詩韻

清溪曲折沿林麓  
縈紆糾棧尋邃谷  
曠觀北轉境逾佳  
朝靄嵐光畫難足  
白沙綺石澗漫漫  
坡陀掩映徑屈蟠  
山中昨夜過山雨  
濕簾垂下百尺湍  
晴雲英英無心出  
披拂南薰滿几席  
古松千丈蔭窗前  
羲皇上人親培植  
縱眸四面多煙鬟  
恍若置身霄漢間  
暫時問景趁幾暇  
豈能窮日耽溪山  
雨暘時若歌復旦  
禾黍慰心功過半  
高軒偶寄念茅簷  
長言不足興嗟嘆



題趙孟頫富春垂釣

富春江上春波足  
滉漾淪漣碧  
溪曲依依新柳裊  
萬條岸芷汀蘭疊  
層綠石磯平坦坐  
老翁垂綸觀水精  
意通彷彿子陵未  
遇主浩渺煙雲思  
不窮

李昭道海天旭日

蓬萊之東有扶桑  
混茫無際波洋洋  
吞吐紅日幾歲月  
大丹焜耀騰輝光  
金鷄初叫纔一綫  
朱絲千縷須臾變  
沐浴德澤放光華  
遂令天下萬民見  
乃知升恒

本及期麗天晷度非參差義輪命駕徧巡歷青精紫

軟相追隨日觀峯

在秦

澄海閣

在山

大觀目觀豈矯

作披圖心印昔時遊招我雲中一黃鶴

### 丁雲鵬廬山高圖

廬山高高千丈倒挂銀河下漉沆跳珠歎玉比擬難

萬斛飛流最高爽廬山面目未得逢披圖恍若指諸

掌置身畫中幻卽眞色見聲求總妄想

### 花朝曲

青陽敷德司韶令一年花事春最盛仲月望日花生  
辰玉李天桃紛掩映清明節近時序和萬葩吐艷著  
育冬御園總荷

聖皇澤賁若草木輝巖阿催開奚煩搗羯鼓遮護無  
須錦旛舞

長春奕禩挾光華榮並大椿煥瑤圃

春水詞

御園雨足淑景清鳴玉溪頭春水盈三篙拍岸添新

漲風皺簟紋波不平疊石峻嶒傍山角引出澗泉下  
燒塢五音合奏衆響俱傾耳靜聆得聞覺依依嫩柳  
蘸碧流翠綠蕩漾陰漸稠卽看飛絮舞汀岸浪花萍  
影相沉浮冬雪雖疎春澤好三農共沐

恩波浩含滋漑潤利鋤耕可冀屢豐荷

蒼昊

澄虛榭

百頃平湖映虛榭天氣清和正初夏波心汎瀆景澄

佳延囑應接果不暇高柳臨汀舞細絲琉璃蘸綠光  
紛披密蔭漸敷晝正永關關好鳥鳴喬枝春雨旣足  
增新漲大圓明鏡印空曠

聖皇乘舫偶來遊悅茲潤澤

宸衷暢含滋正合農事興良苗勃發醱膏凝年稔民

安邦自靖

念徵肅又多福膺

落花流水曲

一溪湛綠波方足花片隨風又相屬  
催開催落年復年蕩漾升沈化工促  
浪疊香飄不復留長溪浩浩春  
光悠天機活潑漫沾滯空花幻影皆浮漚

豐樂軒歌

年豐農稔調六幕允賴雨暘

錫時若較量終歲獨勞心

聖人先憂得後樂御園隙地闢稻畦稼穡知艱觀力  
作憑軒快靚映畝連寓目全殊花柳絡

憲皇題楣示後昆意實深而利實博養民擇要首重  
農飽煖又安鮮劫掠嘉禾植必稔莠除

澤布殊方鼓橐籥卽欣邪靖

大武羸綏屢定功詠桓酌

### 長城歌

萬里連綿置戍長東接山海西甘涼勞民疲力奮白  
挺萬世丕基二世亡乃知在德不在險祖龍侈願終  
荒唐雉堞排空果何用漫論南北分巖疆我朝承

天大一統西踰沙海東扶桑中外不殊若戶闥

列聖厚澤施汪洋

皇父敬述益博厚六十餘年

德化揚雄關稽古存其概懷柔每歲

臨山莊扈隨拈管紀事實殫心繼序敢不獲

萬壑松風

碧雲蒨蔚萬壑濃天風颯沓翻長松濤聲沈沈下遙  
澗陰森絕壁吟虬龍逸調合作衆山響太古元音自



摩盪人間煩暑已盡  
蠲披襟襟冷然覺高爽  
文軒挹景  
若畫張

聖皇潛邸讀書堂  
八十餘年承

渥澤雨露滋洽  
歲月長小子夙沐

教養德承

一人歡臨萬國勤  
思堂構稟仔肩惕  
若君難求盡職

澄霽樓歌

春憂雨之不足  
夏憂雨之或過

恭本 聖  
製讀洪範文

聖人較量無暫停晴雨先爲農民課塞山雲氣常作  
霖時行順候蒸伏金林煙溪霧互盤鬱黍禾飽露渥  
澤深連陰不解又虞潦仍恐漲河遲軍報

宵旰焦勞予敬承肅祈曰又曦陽曝叶樓標澄霽欣

快登極目山川景副名喜旣霑兮旣足頌時雨而時  
晴

千尺雪歌

溪巖層疊若天設一勺之多滙衆流紆迴細注滌沙

石觸壁蕩激逸響浮金風颯沓吹白浪排空玉屑非  
高秋泉耶雪耶總莫辨幻生真際真固留銀河倒挂  
亦夸誕匡廬面目象外求竹鱸選茗詩腸潤蜃窗靜  
對杼清謳

古櫟歌

植物櫟本無足重品非棟梁不堪用大匠斧斤早赦  
茲任彼空山清蔭供托根塞苑厯有年輪困葱鬱枝  
榦全

聖人來遊常駐此豐碑泐什億載傳凡質斯得逢時  
益永茂仙莊承

渥澤木遭知遇固可欣別有良材亦應惜

懷柔道中

彈汗名邑傳自唐北塞重鎮嚴邊防于今盛世中外  
一嘉賓每歲同來王

聖德高深全覆載六十餘年渥澤洋二萬里外皆臣  
屬綏遠底績敷要荒山莊

莅止惠藩部沉沐

天錫農事穰燕豫齊晉遍大有敬承

昊貺咸安康御園旋蹕正納稼欣看萬寶咸登場

豐樂軒歌

直省各報歲有秋閭閻比櫛同豐收歸來塞上遍延  
囑沿途屯積多稼稠允賴

聖皇調六幕誠召庥和

錫時若溺已溺而饑已饑憂其憂斯樂其樂趣庭

父訓日敬承愛民勤政欽服膺顧瞻軒額心畧慰荷  
天之寵仍兢兢

引筠軒歌

猗猗修竹昕夕共豈欲吹簫引鸞鳳心愛綠筠凌雪  
霜選擇嘉生隙地種植樂清陰貫四時森森勁節無  
偏歆不改柯復不易葉立志大端斯箴規新軒位置  
欣清雅爰抒紫穎舊額寫得新憶舊孰主賓新舊相  
參境非假渭川千畝漫在胷幾暇娛心作靜供秋風

颯颯來三逕牆外聲流百尺松

夜雨 六月二  
十一日

春膏夏澤皆渥優直省過半麥有收感沐我

考黜佑力知時不待小子求律轉林鍾節大暑數日  
未雨心延佇稍覺微炎願解之已見含滋潤柱礎入  
夜急雨天上來傾盆鼓浪聲喧庭簷溜滴階斷復續  
風翻電掣殷其雷應知禾稼勃然長西成庶可占豐  
穰眇躬何幸蒙

皇恩敬守

遺謨寸衷仰

尙書那彥成奏報馳赴隴州一帶截剿川匪痛  
加殲戮情形詩以誌慰

邪匪踞川東北隅萬山之中任奔走誅旣不畏撫不  
降劫掠凶殘如獠狗良民團結各保村堅壁清野相  
聚守賊無可掠出隴西渭河直渡據培塿縣鄰清水  
鎮龍山蟻聚蜂屯遍岡阜我師倍道扼其吭三路雄



兵皆赳赳超登嶺嶠破中堅勁矢神鎗應心手舉旗  
奪馬誓窮追斬彼狂且誅賊首拯救哀黎出獲湯泣  
叩途旁繫柳杻吾民何罪受此殃自省實皆予之咎  
奉

天治國愧才庸晝夜慙惶慮辜負虔求

昊佑速平邪世慶小康年大有相國之孫初總戎克  
振家聲昌厥後佇看三捷隴蜀安酬勲優渥恩尤厚  
參贊德樛泰奏報痛勦搶渡潼河賊匪併生擒

二千餘名解散難民二千餘名殄滅首逆頭  
目十餘名仍分路兜剿各情形詩以誌慰

人君治民奉

上天民遭顛沛君何顏川中邪教肆奔突任性焚掠  
誠凶頑嘉陵失守賊夜渡裹脅咽匪不知數欲涉白  
水直趨甘幸有雄師扼前路五日四戰陳得再添俘

石門寨破賊勢孤追奔直抵潼河岸滿望一鼓殲在  
苻詎料潼河船未徹搶渡過涉任頂滅餘燼將熄又

蔓延卽正刑誅儆昏劣將軍奮勇急渡河星夜追逐

自太和

鎮名

三隊虎旅齊効力天戈所指摧羣魔四寨

重圍立解散民慶生全得免難披覽封章慰實殷叩  
感

昊慈速戡亂四載黎元受厄深願消劫運施甘露稍  
贖予罪戾

考志益凜持盈保泰心